

Na osnovu člana 16. stav (4) Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10) Vlada Zeničko-dobojskog kantona, na 171. sjednici održanoj 30.11.2018. godine, d o n o s i

ZAKLJUČAK

I

Prima se na znanje informacija o stanju popunjenosti policijskih službenika u Upravi policije Ministarstva unutrašnjih poslova Zeničko-dobojskog kantona.

II

Zadužuje se Ministarstvo unutrašnjih poslova da pokrene proceduru prijema 125 novih policijskih službenika, i to 110 u činu policajac i 15 u činu mlađi inspektor na način i u proceduri propisanoj Zakonom o policijskim službenicima- Prečišćeni tekst ("Službene novine Zeničko-dobojskog kantona", broj 4/14 i 2/18).

III

Zaključak stupa na snagu danom donošenja.

Broj: 02-_____/18.
Datum, 30.11.2018. godine.
Z e n i c a

PREMIJER

Miralem Galijašević

DOSTAVLJENO:

1x Ministarstvo unutrašnjih poslova,

1x a/a.



Broj: 08-04/1-_____/18

Dana: 16.11.2018. godine

PREDMET: Informacija o stanju popunjenosti policijskih službenika u Upravi policije
Ministarstva unutrašnjih poslova, dostavlja se,-

VEZA: Zaključak Vlade Zeničko-dobojskog kantona broj: 02-34-20044/12 od 12. 9. 2012. godine;-

Zaključkom Vlade Zeničko-dobojskog kantona broj i datum kako je naprijed navedeno, Vlada Zeničko-dobojskog kantona primila je na znanje Informaciju o kretanju ljudskih resursa u ovom Ministarstvu u narednih pet godina sa prijedlogom za stabilizaciju i poboljšanje stanja u kojoj je data i projekcija prijema policijskih službenika za period 2013-2017 godina. Prema toj Informaciji u ovom Ministarstvu planirano je da se u 2013. godini izvrši prijem 100 policijskih službenika, u 2014. godini 70 policijskih službenika, u 2015. godini 60 policijskih službenika, i u 2016. i 2017. godini od po 50 policijskih službenika.

Prema navedenoj Informaciji ovo Ministarstvo planirani broj prijema policijskih službenika u 2013. godini od 100 policijskih službenika nije realizovalo zbog programa mjera štednje koji je bio aktuelan u navedenoj godini. U 2014. godini iako je program mjera bio na snazi, ovo Ministarstvo je izvršilo prijem 60 policijskih službenika, od čega je 50 policijskih službenika za čin policajac i 10 za čin mlađi inspektor, što u odnosu na broj planiranih u Informaciji predstavlja manjak od 10 policijskih službenika. Također, u 2015 godini prema Informaciji ovo Ministarstvo je izvršilo prijem 60 policijskih službenika kako je i planirano, dok je u 2016. godini izvršen prijem za 100 policijskih službenika u činu policajac, a u 2017. godini nije bilo prijema. Dakle, ukoliko se uzme u obzir broj planiranih policijskih službenika koji su se trebali primiti kako je prikazano u informaciji i broj primljenih policijskih službenika evidentno je da se nije izvršio prijem 110 policijskih službenika.

S tim u vezi, ovom informacijom želimo ukazati na probleme koji bi se mogli pojaviti ukoliko u kraćem periodu ovo Ministarstvo ne pokrene proceduru prijema novih 125 policijskih službenika, iz sljedećih razloga:

- u Upravi policije je od ukupno sistematizovanih 1235 radnih mjesta sa statusom policijskih službenika, trenutno upražnjeno 168 radnih mjesta policijskih službenika,

- od posljednjeg prijema tj. od 2016. godine, broj policijskih službenika kojima je prestao radni odnos po raznim osnovama je 101 i to: u 2016. godini 48 policijskih službenika, 2017. godini 45 policijskih službenika i u tekućoj 2018. godini do sada je radni odnos prestao za osam policijskih službenika,

- s obzirom na starosnu strukturu policijskih službenika Uprave policije očekivati je da će broj policijskih službenika koji će ostvariti odlazak u starosnu penziju iz godine u godinu sve više rasti,

- zbog velikog broja nedostatka policijskih službenika u pojedinim policijskim stanicama

može doći i do narušavanja bezbjedonosne situacije, posebno ako uzmemo u obzir nedavna dešavanja na području Kantona Sarajevo, a i situacije sa migrantima koja je zadesila Bosnu i Hercegovinu,

- procedura prijema policijskih službenika je prilično kompleksna i dugotrajna, a i pored toga, odabrani kandidati se po okončanju prijema upućuju na osnovnu policijsku obuku koja za čin policajac traje osam mjeseci, a za čin mlađi inspektor šest mjeseci. Nakon toga probni period rada za policijske službenike traje 12 mjeseci tako da odabrani kandidati neće biti samostalni za rad nakon prijema, jednu godinu i osam mjeseci, odnosno jednu godinu i šest mjeseci.

S tim u vezi, smatramo da je ovaj prijedlog opravdan i predlažemo da primite na znanje ovu Informaciju i donesete zaključak kojim bi se odobrilo pokretanje procedure za prijem 125 novih policijskih službenika i to 110 u činu policajac i 15 u činu mlađi inspektor.

S poštovanjem!

Prilog:

- Zaključak Vlade o primanju na znanje Informacije o stanju popunjenosti policijskih službenika u Upravi policije i pokretanju procedure za prijem 125 policijskih službenika,
- Obrazloženje Zaključka i
- Izjava o fiskalnoj procjeni.

S poštovanjem!

DOSTAVLJENO:

1. Naslov x 1
2. a/a x 1

MINISTAR

Nikola Arsenić